

Visoki predstavnik Schmidt razgovarao sa češkim ministrom vanjskih poslova Lipavským o aktuelnim političkim pitanjima u BiH



Visoki predstavnik Christian Schmidt se sastao danas u Sarajevu sa Janom Lipavským, ministrom vanjskih poslova Češke Republike. Razgovarali su o aktuelnim političkim kretanjima, uključujući evroatlantske integracije Bosne i Hercegovine u svjetlu zadatka koje su preuzeli domaći politički akteri i obaveza Evropske unije i šire međunarodne zajednice u BiH da pomognu u procesu pristupanja.

Visoki predstavnik je na sastanku istaknuo da se BiH nalazi na raskrsnici između prilika koje proizlaze iz perspektive pristupnih pregovora sa EU i prijetnji koje dolaze sa upornim napadima na Opći okvirni sporazum za mir. Pozvao je bh. političare „da se ponašaju odgovorno i odlučno u narednom periodu kako bi ispunili obećanja data građanima BiH da će im pružiti priliku za rast i razvoj, prosperitet i bolju budućnost.”

Nadalje je istaknuo kako je način na koji su se Češka Republika i Njemačka nosile sa bolnom zajedničkom prošlošću dobar primjer iz kojeg se mogu izvući pouke o tome kako jačati proces pomirenja i razumijevanja u društvu.

Visoki predstavnik Schmidt je zahvalio ministru Lipavskom na kontinuiranom doprinosu Češke Republike naporima međunarodne zajednice u BiH u vezi sa provedbom Daytonskog mirovnog sporazuma.